

勸學篇家塾課程

日本華族女學校規則
紀琉球入大學始末



紀琉球入太學始末

王士禎紀

中華書局

紀琉球人太學始末

清 濟南王士正貽上紀

康熙二十三年冊封琉球翰林院檢討汪楫中書舍人林麟昌等疏言中山王尙貞親詣館舍云下國僻處彈丸常慚鄙陋執經無地嚮學有心稽明洪武永樂年間常遣本國生徒入國子監讀書今願令陪臣子弟四人赴京受業云云事下禮部部覆史載屠貞觀中興學校新羅百濟俱遣子入學琉球自明初始內附會典載大琉球國朝貢不時王子及陪臣之子皆入太學讀書禮

待甚厚又載洪武永樂宣德成化閒琉球官生俱入監讀書今該國王尙貞以本國遠被

皇仁傾心嚮學懇祈使臣汪楫等轉奏願令陪臣子弟四人赴京受業應準所請聽其遣陪臣子弟入監讀書云云時予爲祭酒咨覆禮部略云查太學志載洪武二十五年秋琉球國遣其子及陪臣之子日孜等入監命工部給羅絹爲秋衣冬琉球中山王道其舅仁悅慈等至永樂二年琉球中山王從子三五良臺等九人以謝恩至奏請入監給賜一如洪武中故事令工部建土子

青房于監前以處之三年琉球山南王遣寨官子李傑
至四年中山王遣寨官子石達魯等六人至其後李傑
石達魯等每在監三年得乞歸省九年中山王遣土相
之子懷得寨官子祖魯古至十一年遣寨官子周魯等
三人至是年有奏歸省者命禮部厚賜以榮其歸是後
乞歸省或令候其使者還國以行永樂以後至于正德
間常三四遣至嘉靖五年中山王遣官生蔡廷美等四
人至十一年歸國十七年遣梁炫等四人至二十三年
歸國等又遣蔡朝用等五人至今在南雍處以光哲堂

歲時給衣物如例向幕文教琉球于諸國爲最篤國家待之亦爲最優云康熙二十七年琉球國王遣耳目官魏應伯等恭進朝貢方物又遣陪臣子弟梁成楫鄭秉均阮維新蔡文溥等四人同貢使赴京入監讀書于止貢方物外敬加屏風紙三千張嫩蕉布五十匹三十一年中山王貞上言康熙二十三年蒙冊封天使汪楫題準臣國陪臣子弟入監讀書臣等遵奉
俞旨業于康熙二十五年遣官生梁成楫等三人同貢使魏應伯進京仰荷

皇上令其入監讀書月糜廩餼季給衣服正梁成楫等
感泣 高厚殫心誦讀之時也但伊父前經節次入貢
萬里梯航罔辭勞瘁今皆年老奉養需人臣貞亦當念
之矣且梁成楫等三人俱未有室父母之願人皆有之
況臣國人皆愚昧自成楫等進監之後臣貞望其返國
與臣言忠與子言孝以宣布

皇上一道同風之化更爲不淺今據梁成楫等乞題請
歸養等情應否準其歸養臣貞未便擅便伏乞
睿鑑云云 詔梁成楫等三人照部通事例賞賜 賜

琉球入太學始末一卷

國朝王士禎撰士禎有古懽錄已著錄先是康熙二十三年翰林院檢討汪楫中書舍人林麟焄冊封琉球歸奏中山王尙貞請以陪臣子入國學

聖祖仁皇帝俯允所請士禎因紀其始末其中追敘明代琉球入國學事於洪武二十五年祇紀中山而失載山南又二十六年中山復遣寨官子入國學永樂八年山南遣官生三人入國學俱未及載蓋沿舊本太學志之誤也其書已見士禎帶經堂集中